



Broj: 02-05-183-2/23
Sarajevo, 27.02.2023. godine

KANTON SARAJEVO

Ministarstvo za nauku, visoko obrazovanje i mlade

Ul. Reisa Demaludina Čauševića broj 1.

Sarajevo 71000

n/r Ministrica prof. dr. Aleksandra Nikolić

Predmet: Veza vaš akt broj 27-01-/2-04-4328/23 od 14.02.2023. – izjašnjenje

Poštovana,

U vezi vašeg akta, a shodno postavljenim pitanjima poštovane zastupnice Elze Gaković dostavljamo vam odgovore na pitanja koja ste uputili Univerzitetu u Sarajevu -Veterinarskom fakultetu.

Pitanje "Da li je studentima na praksi obezbjeđena zaštitna oprema?"

Svi studenti Veterinarskog fakulteta obavezni su nositi propisanu radnu odjeću tokom izvođenja vježbi u vježbaonama, laboratorijama, klinikama i nastavnim poligonima.

S oblikom obavezne zaštitne odjeće studenti se upoznavaju na prvom satu predavanja koji uvodi studente u nastavni predmet, obaveznu literaturu, ispitne obaveze i tom prilikom se posebno upoznavaju sa obavezom nošenja zaštitne opreme (bijeli mantil/ medicinsko odjelo, jednokratne lateks rukavice, hirurške rukavice, zaštitne naočale, jednokratna medicinska zaštitna odjeća i dr). Svo osoblje Veterinarskog fakulteta i studenti moraju poštovati odredbe Kućnog reda gdje se propisuje i način odjevanja.

Pitanje "Da li je studentima na praksi obezbjeđena zaštitna oprema?"

Student ne može prisustvovati vježbama bez propisane radne odjeće, a zavisno od vrste vježbi svakom studentu je obezbjeđena i posebna zaštitna oprema (čizme, jednokratne natikače za obuču, jednokratne lateks rukavice, hirurške rukavice, širete za jednokratnu upotrebu, zaštitne naočale, jednokratna medicinska zaštitna odjeća).

Pitanje "Da li se ista koristi?"

Navedena zaštitna oprema se koristi i ima je u dovoljnim količinama.



Pitanje "Šta je čini i kojim pravilima ili propisom su definisani uvjeti i način korištenja zaštitne opreme?"


Spisak opreme koja se koristi:

- Bijeli mantil/medicinsko odjelo,
- Jednokratne lateks rukavice,
- Jednokratne maske
- Hirurške rukavice,
- Zaštitne naočale,
- Jednokratna medicinska zaštitna odjeća,
- Čizme,
- PVC pregače,
- Poliuretanska pregača,
- Jednokratne maske i kape,
- Jednokratne navlake za cipele,
- Jednokratni kombinezon.

Uslove i način korištenja zaštitne opreme studenti Veterinarskog fakulteta kontinuirano uče kroz silabuse pojedinih predmeta počevši od prve do pete godine. Međutim, i pored kontinuiranog učenja studenata o mjerama samozaštite, uprava Veterinarskog fakulteta izradila je i Proceduru za biosigurnost Univerziteta u Sarajevu-Veterinarskog fakulteta koja definira mjere koje se preduzimaju s ciljem smanjenja rizika uvođenja i širenja uzročnika bolesti tokom svih aktivnosti koje uključuju rad s domaćim, divljim i egzotičnim životinjama, biološkim materijalom i ostalim uzorcima životinjskog porijekla za laboratorijsko ispitivanje na Univerzitetu u Sarajevu-Veterinarskom fakultetu putem usvajanja niza stavova i modela ponašanja. Preventivne i kontrolne mjere provode se na UNSA-VF s ciljem smanjivanja mogućnosti infekcije uzročnicima raznih zaraznih bolesti ili pak pojave infekcija, a prilagođene su jedinstvenom okruženju UNSA-VF.

Napominjemo da u svrhu izvođenja praktične nastave bilo bi neophodno da osnivač Veterinarskog fakulteta – Kanton Sarajevo razmotri mogućnost planiranja sredstava u budžetu kako bi se obezbijedio nastavni poligon koji bi bio pod direktnim nadzorom Veterinarskog fakulteta u smislu kontrole zoonoza te na taj način bi mogli osigurati potpunu kontrolu i zaštitu studenata. Ovaj nastavni poligon je neophodan za izvođenje praktične nastave na velikim životinjama, a naš Fakultet bi uveo u rang evropskih veterinarskih fakulteta.

S poštovanjem,



DEKAN

Prof. dr. Muhamed Smajlović



Broj: 0101-2030/23
Sarajevo, 22. 02. 2023. godine

**UNIVERZITET U SARAJEVU
VETERINARSKI FAKULTET
n/r dekana prof. dr. Muhamed Smajlović
SARAJEVO**

Predmet: Zastupnička inicijativa zastupnice Elze Gaković, *dostavlja se*

Veza akt broj: 27-01/2-04-4328/23 od 14. 02. 2023. godine

Poštovani dekane prof. dr. Smajlović,

Ministarstvo za nauku, visoko obrazovanje i mlade KS, uputilo je dopis Univerzitetu u Sarajevu u kojem dostavlja zastupničku inicijativu zastupnice Elze Gaković.

Zastupnica Gaković podnijela je inicijativu koju Vam dostavljamo u prilogu ovog dopisa, te Vas molimo za očitovanje po tačkama kako su navedene u zastupničkoj inicijativi.

S poštovanjem,

PROREKTORICA ZA NASTAVU I STUDENTSKA PITANJA

Prof. dr. Dženana Husremović



Prilog: Dostava zastupničke inicijative, broj 0101-1857/23 od 17.02.2023.

Dostaviti:

- ☺ Naslovu
- Službi za nastavu
- a/a



Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Broj: 27-01/2-04-4328/23
Sarajevo, 14.02. 2023. godine

17. 02. 23
0101-1857 /23

UNIVERZITET U SARAJEVU
VETERINARSKI FAKULTET
Ul. Zmaja od Bosne 90
Sarajevo

PREDMET: Izjašnjenje, traži se, -

Ministarstvo za nauku, visoko obrazovanje i mlade Kantona Sarajevo zaprimilo je inicijativu zastupnice Elze Gaković vezano za "posljednje slučajeve zaraze studenata Veterinarskog fakulteta Q groznicom".

U prilogu ovog akta, Ministarstvo za nauku, visoko obrazovanje i mlade Kantona Sarajevo, dostavlja predmetnu inicijativu, kako bi dali izjašnjenje na navode iste. Pored toga, potrebno je da date odgovore na pitanja, da li je studentima na praksi obezbijedena zaštitna oprema, da li se ista koristi, šta je čini i kojim pravilima ili propisom su definisani uvjeti i način korištenja zaštitne opreme kod studenata na praksi.

Izjašnjenje je potrebno dati u roku do 24.02.2023. godine.

S poštovanjem,

MINISTRICA

Prof. dr. Aleksandra Nikolić

Dostaviti:
-naslovu,
Univerzitet u Sarajevu
Obala Kulina bana 7, Sarajevo
-a/a

Pripremila: Belma Trajkov, sekretarka



Adresa: Reisa Džemaludin Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Skupština Kantona Sarajevo
ZASTUPNICA ELZA GAKOVIĆ

Uputiti:

Ministarstvo privrede Kantona Sarajevo

Ministarstvo za nauku, visoko obrazovanje i mlade Kantona Sarajevo

Poštovani,

U skladu sa članom 106. Poslovnika o radu Skupštine Kantona Sarajevo, upućujem:

ZASTUPNIČKO PITANJE I INICIJATIVU

Posljednji slučajevi zaraze studenata Veterinarskog fakulteta u Sarajevu Q groznicom nameću jedan temeljitiji rad i pripremu farmi za praktičnu nastavu studenata Veterinarskog fakulteta u Sarajevu. Postavljam pitanje za koji tražim usmeni odgovor ministra privrede:

- Da li je rađena analiza zaraznih bolesti (zoonoza) životinja na PD "Butmir" i ostalim farmama na kojim studenti obavljaju praktičnu nastavu?
- ako je rađena analiza ko je radio analizu i kojim metodama je analiza rađena?
- koliko često se na godišnjem nivou radi analiza životinja na zarazna oboljenja na PD "Butmir" i na ostalim farmama?
- Da li je Inspektorat veterinarske inspekcije izvršio pregled životinja na PD "Butmir" i ukoliko je izvršen pregled tražim da mi se dostavi zapisnik.

Q groznica kod ljudi dovodi do teških oboljenja centralnog nervog sistema, trajnih oštećenja srca i steriliteta. U cilju zaštite studenata Veterinarskog fakulteta u Sarajevu podnosim inicijativu:

- obzirom da su Budžetom Ministarstva privrede Kantona Sarajevo za 2022.godinu predviđena finansijska sredstva u visini od 500 000.00 KM za namjenu veterinarsko zdravstvenih pregleda i kontrole podnosim inicijativu da se vrše obavezne godišnje analize životinja u cilju sprečavanja, otkrivanja, kontrole i suzbijanja zaraznih i parazitaranih bolesti i da tek nakon dostavljanja potvrde farmi na kojim se realizira praktična nastava prema Veterinarskom fakultetu u Sarajevu o negativnim uzorcima na zoonoze i druge zarazne bolesti studenti se šalju na praksu.
- U okviru ovoga podnosim inicijativu za kupovinu jednoktarne zaštitne opreme za studente Veterinarskog fakulteta u Sarajevu koja je neophodna kao uslov za sigurnu zaštitu na određenim praktičnim vježbama.

Zastupnica u Skupštini Kantona Sarajevo, Elza Gaković
27.01.2023.godine